



Bernt Kristoffer Olsen  
Ramsvikveien 18  
5179 GODVIK

Referanser:  
Dykkar:  
Vår: 18/3586 - 19/3487

Saksbehandlar:  
Knut Bjørnevoll  
KBJ@lindas.kommune.no

Dato:  
31.01.2019

## Utsleppsløyve for fritidsbustad - gbnr 147/69 Sellevoll

Administrativt vedtak: **Saknr: 076/19**

Byggestad: Gbnr: 147/69 Skarsvegen 582  
Tiltakshavar: Bernt Kristoffer Olsen  
Ansvarleg søkjar: Kvalheim Vvs AS  
Søknadstype: Forureiningslova § 11, jf. forureiningsforskrifta § 12-3

### SAKSUTGREIING:

#### Tiltak

Saka gjeld søknad om utsleppsløyve for hytte på gbnr 147/69.

I søknaden er det opplyst at utsleppet frå eigedommen skal reinsast i biologisk/kjemisk minireinseanlegg av typen Biovac FD 5 MG før utsleppet vert ført vidare til vassførande veit (lukka jordbruksgrøft). Dette er eit anlegg med slamtørking, som skal plasserast i bygning.

Storleiken til utsleppet er opplyst til 5 pe.

Det vert elles vist til søknad mottatt 26.11.2018.

#### Planstatus

Eigedomen ligg i uregulert område innanfor det som i kommuneplanen sin arealdel er definert som fritidsbustad.

#### Nabovarsel

Tiltaket er nabovarsla i samsvar med forureiningsforskrifta § 12-4 nr. 2.  
Det ligg ikkje føre merknader frå nabo.

#### Plassering

Plassering og utsleppsstad er vist i kart mottatt 26.11.2018.

### **Reinseløysing**

Utsleppet skal reinsast i biologisk/kjemisk minireinseanlegg av typen Biovac FD 5 MG før utsleppet vert ført vidare til vassførande veit (lukka jordbruksgrøft). Anlegget er godkjent etter NS-EN 12566-3. Anlegget stettar reinsekrava for utsleppsstad i følsamt og normalt område med brukarinteresser, jf. forureiningsforskrifta § 12-8.

### **Drift og vedlikehald**

Det er eit vilkår for utsleppsløyvet at anleggseigar inngår serviceavtale om drift og vedlikehald av anlegget, jf. forureiningsforskriften § 12-13 2.ledd. Serviceavtale ligg ikkje føre.

### **Privatrettslege tilhøve**

Avløpsanlegget er plassert på eigen eigedom. Utsleppsleidingen er lagt delvis på eigen eigedom og vidare over gbnr 147/5 fram til utsleppsstaden.

Det ligg føre skriftleg avtale datert 28.05.2018 mellom tiltakshavar og eigar av gbnr 147/5 om rett til legga avløpsleiding. Avtalen om plassering av anlegg og leidningar på privat eigedom og rett til bruk av privat avløpsleiding bør tinglysast på eigedomane.

### **VURDERING**

Det er ikkje offentleg kloakkanlegg i området.

Søknaden om utsleppsløyve kan etter kommunen si vurdering godkjennast når det vert sett krav til reinsing av utsleppet i biologisk/kjemisk reinseanlegg med slamtørking, og vidare i tett leidning til lukka jordbruksgrøft eller bekk med heilårsvassføring.

### **Plassering**

Plassering av anlegg og leidningsnett kan etter kommunen si vurdering godkjennast i samsvar med kart mottatt 26.11.2018.

### **Godkjenning etter andre lovverk**

Etablering av avløpsanlegget krev løyve etter plan- og bygningslova kap 20.

Søknad om løyve til etablering av avløpsanlegg etter plan- og bygningslova er handsama i eige vedtak i saksnr. 045/19.

### **Vedtak:**

**Med heimel i forureiningslova § 11, forureiningsforskrifta § 12-5 vert det gjeve utsleppsløyve for hytte på gbnr 147/69 på følgjande vilkår:**

- 1. Utsleppet frå eigedomen skal reinsast i biologisk/kjemisk reinseanlegg av typen Biovac FD 5 MG før utsleppet vert ført i tett leidning til lukka jordbruksgrøft eller bekk med heilårsvassføring.**
- 2. Utsleppet frå eigedomen vert gitt for 5 pe.**
- 3. Det skal liggja føre gyldig serviceavtale om drift og vedlikehald av anlegget til ein kvar tid.**
- 4. Utsleppet skal til ei kvar tid tilfredsstilla krav i Forskrift om begrensing av forurensing, §§ 12-7 til 12-13**
- 5. Eigedomen skal knytast til offentleg godkjend avløpsleiding eller anna fellesleiding dersom slike vert ført fram til området og kommunen set krav om det.**

## Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

## Klage

Enkeltvedtak fatta i medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningsloven § 85](#) 2.ledd og forureiningsforskrifta § 12-15. For enkeltvedtak fatta av kommunestyret er fylkesmannen klageinstans.

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunnjevast. Før det kan reisast søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

## Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

## Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utsleppet vekk, jf. forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

## Tilsyn, endring og opphøyr av løyvet

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd. Forureiningsstyresmakta har rett og plikt til å utføra tilsyn med avløpsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

**Ved all vidare kontakt i denne saka, ver venleg og referer til saknr.: 18/3586**

Med helsing

Siril Sylta  
avdelingsleiar

Knut Bjørnevoll  
saksbehandlar

*Dette dokumentet er elektronisk godkjent og har difor ingen signatur.*

**Kopi til:**

Bernt Kristoffer Olsen  
Kvalheim Vvs AS

Ramsvikveien 18 5179  
Manger Senter 5936

GODVIK  
MANGER

**Mottakarar:**

Bernt Kristoffer Olsen  
Kvalheim Vvs AS

Ramsvikveien 18 5179  
Manger Senter 5936

GODVIK  
MANGER